



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Veteran's Affairs

Broj: 06-11-30456-2/25  
Sarajevo, 19.06.2025. godine

Na osnovu Programa zapošljavanja i održavanja postojeće zaposlenosti pripadnika braniteljske populacije putem mjera podrške boračkim zadrugama sa sjedištem u Kantonu Sarajevo za 2025. godinu prihvaćenog Zaključkom Vlade Kantona Sarajevo broj 02-04-31520-31/25 od 05.06.2025. godine Ministarstvo za boračka pitanja Kantona Sarajevo, o b j a v l j u j e

## JAVNI POZIV

**za realizaciju Mjere sufinansiranja-refundiranja prihvatljivih troškova kupovine sredstava za rad u 2025. godini, utvrđene Programom zapošljavanja i održavanja postojeće zaposlenosti pripadnika braniteljske populacije putem mjera podrške boračkim zadrugama sa sjedištem u Kantonu Sarajevo za 2025. godinu**

### I - PREDMET JAVNOG POZIVA

Programom zapošljavanja i održavanja postojeće zaposlenosti pripadnika braniteljske populacije putem mjera podrške boračkim zadrugama sa sjedištem u Kantonu Sarajevo za 2025. godinu (u daljnjem tekstu: Program mjera), koji je usvojen Zaključkom Vlade Kantona Sarajevo broj: 02-04-3152-31/25 od 05.06.2025. godine, usvojena je Mjera sufinansiranja-refundiranja prihvatljivih troškova kupovine sredstava za rad u 2025. godini (u daljnjem tekstu: Mjera). Ova Mjera predstavlja pravo sudjelovanja u raspodjeli sredstava koja mogu ostvariti zadruge sa područja Kantona Sarajevo, a koje okupljaju braniteljsku populaciju, **čime bi se omogućilo boračkim zadrugama održavanje postojeće zaposlenosti ili novo zapošljavanje pripadnika boračke populacije u zadrugama koje nemaju lica u radnom odnosu u momentu podnošenja zahtjeva za sufinansiranje po javnom pozivu raspisanom po osnovu realizacije mjera ovog Programa.**

Predmet ovog Javnog poziva je dostavljanje prijava boračkih zadruga sa sjedištem u Kantonu Sarajevo u cilju odabira korisnika poticajnih sredstava za Mjeru sufinansiranja-refundiranja prihvatljivih troškova kupovine sredstava za rad u 2025. godini, **nastalih nakon dana objave Obavještenja o Javnom pozivu po Programu, a nakon dostavljanja odgovarajuće dokumentacije** (računi, predračuni/profakture/ponude) za prihvatljive troškove nabavke osnovnih sredstava, opreme, kupovinu mašina, alata i tehnike (osim laptopa i mobilnog telefona).

Opći cilj Programa mjera je doprinijeti produktivnijem poslovanju, stabilizaciji i jačanju konkurentnosti boračkih zadruga putem mjera podrške boračkim zadrugama sa sjedištem u Kantonu Sarajevo tj. mjera koje se odnose na sufinansiranje/refundiranje troškova nabavke sredstava za rad (mašina, alata, opreme, tehnike), pružanje i drugih vrsta pomoći boračkom zadrugarstvu, kako bi se

uz druge aktivne mjere Vlade doprinijelo sanaciji posljedica trenutnog stanja u privredi na području Kantona Sarajevo. Također, pružanje podrške boračkim zadrugama u okvirima mjere prelaska na obnovljive izvore energije kroz sufinansiranje troškova ugradnje solarnih panela, nastoji se doprinijeti smanjenju emisije CO<sub>2</sub>, povećanju energetske efikasnosti i smanjenju troškova električne energije.

Poseban cilj i svrha svih mjera Programa je pružanjem poticaja zadrugama doprinijeti razvoju poslovanja i poticanju proizvodnje boračkih zadruga, čime bi se omogućilo boračkim zadrugama održavanje postojeće zaposlenosti ili novo zapošljavanje pripadnika braniteljske populacije u zadrugama koje nemaju lica u radnom odnosu u momentu podnošenja zahtjeva za sufinansiranje po javnom pozivu raspisanom po osnovu realizacije mjera ovog Programa.

Program mjera za 2025. godinu obuhvata slijedeće osnovne mjere za koje se raspisuju javni pozivi:

1. Mjera refundiranja dijela prihvatljivih troškova kupljenih sredstava za rad u 2025. godini,
2. Mjera sufinansiranja-refundiranja prihvatljivih troškova kupovine sredstava za rad u 2025. godini,
3. Mjera sufinansiranja/refundiranja sredstava uložениh u postizanje energetske efikasnosti putem ugradnje solarnih sistema za boračke zadruge na području Kantona Sarajevo.

**Aplikanti tj. boračke zadruge mogu podnijeti posebne zahtjeve sa potrebnom dokumentacijom na javne pozive raspisane po osnovnim mjerama Programa, međutim osnovne mjere su alternativne tj. boračke zadruge mogu biti korisnici podrške samo jedne od Osnovnih mjera ovog Programa. Dakle, zadruge mogu aplicirati na raspisane javne pozive više od jedne mjere, pri čemu će im biti odobrena sredstva po javnom pozivu za mjeru za koju ispunjavaju uvjete a koja je za njih povoljnija, o čemu će se i zadruga izjasniti.**

U Budžetu Kantona Sarajevo, razdjel Ministarstvo za boračka pitanja i Programom mjera, za realizaciju ove Mjere, planirana su sredstva u iznosu od 143.950,00 KM.

Po ovom Javnom pozivu imaju pravo aplicirati boračke zadruge i zadruge koje u svom sastavu okupljaju najmanje 70% zadrugara iz boračke populacije, a u cilju obezbijedenja sredstava za produktivnije poslovanje, za stabilizaciju i jačanje konkurentnosti boračkih zadruga na tržištu.

**Zadruge koje ispune uslove definisane javnim pozivom, mogu ostvariti pravo na sufinansiranje-refundiranje prihvatljivih troškova nabavke sredstava za rad u iznosu do 50% troškova nabavke sredstava za rad, koji su nastali nakon dana objave Obavještenja o Javnom poziva po ovom Programu, sumarno za sve iskazane prihvatljive troškove. Maksimalan iznos sredstava koji se može odobriti po ovoj mjeri zavisi od raspoloživih sredstava i broja aplikacija koje ispunjavaju propisane uvjete, pri čemu se sredstva mogu odobriti i doznačiti, do 33.000,00 KM.**

Podsticajna sredstva iz ove Mjere namijenjena su za sufinansiranje/refundiranje prihvatljivih troškova kupovine mašina, alata, opreme, tehnike (osim laptopa i mobilnog telefona) koja se koriste u vremenu dužem od jedne godine, čija vrijednost nije niža od 1.000,00 KM, a koja doprinose razvoju poslovanja, potiču proizvodnju, povećavaju konkurentnost proizvoda i usluga, i koja su nabavljena **od registrovanih poslovnih subjekata.**

Neprihvatljivi troškovi su:

- a) kupovina i iznajmljivanje zemljišta, stana, kuće,
- b) izvođenje vanjskih građevinskih radova,
- c) kupovina/najam osobnih automobila,



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-012, Fax: + 387 (0) 33 562-251  
Web: <http://mbp.ks.gov.ba>, E-mail: [mbp@mbp.ks.gov.ba](mailto:mbp@mbp.ks.gov.ba)

- d) kupovina dijelova za vozila,
- e) kupovina, obnova, rekonstrukcija, modernizacija objekata za najam ili prodaju,
- f) nabavka kancelarijskog namještaja,
- g) kupovina laptopa, mobitela, televizora, klima uređaja,
- h) kupovina potrošnog materijala, repromaterijala i robe namijenjene za prodaju,
- i) police osiguranja imovine i ljudi, te plaće i doprinosi na plaće.

Program zapošljavanja i održavanja postojeće zaposlenosti pripadnika braniteljske populacije putem mjera podrške boračkim zadrugama sa sjedištem u Kantonu Sarajevo za 2025. godinu realizuje se u skladu sa odredbama Uredbe o uvjetima i postupku za dodjelu potpore male vrijednosti – **de minimis potpora**.

## II - PRAVO UČEŠĆA

Pravo učešća na ovom Javnom pozivu imaju boračke zadruge i zadruge koje u svom sastavu okupljaju najmanje 70% zadrugara iz boračke populacije u cilju sufinansiranja-refundiranja prihvatljivih troškova kupovine sredstava za rad u 2025. godini.

Pravo učešća u ovoj mjeri **ne mogu ostvariti aplikanti/zadruge koje ne ispunjavaju** opće kriterije za odobravanje podsticajnih sredstava boračkim zadrugama jer su isti eliminatorni, a isti se navode u okviru slijedeće tačke ovog Javnog poziva.

## III - NAČIN ODOBRAVANJA SREDSTAVA

Odobrovanje sredstava po ovom Javnom poziva vršit će se u skladu sa općim i posebnim kriterijima koji su definisani Programom mjera.

### Opći kriteriji su:

- a. da je boračka zadruga registrirana u Kantonu Sarajevo,
- b. da zadruga redovno izmiruje obaveze uplate javnih prihoda, osim u slučaju kada zadruga ima potpisan ugovor sa Poreznom upravom Federacije Bosne i Hercegovine i Upravom za indirektno oporezivanje o uplati duga na rate u kom slučaju je zadruga dužna dostaviti potvrdu Porezne uprave Federacije Bosne i Hercegovine i/ili Uprave za indirektno oporezivanje ili uvjerenje da zadruga vrši uplate po potpisanom ugovoru,
- c. da su zadruge koje su koristile sredstva Federalnog zavoda za zapošljavanje, Službe za zapošljavanje Kantona Sarajevo, Ministarstva za boračka pitanja Kantona Sarajevo ostalih ministarstava u Vladi Kantona Sarajevo, ispoštovale obaveze u skladu sa zaključenim ugovorima,
- d. da Zadruge nisu iskoristile maksimalnu vrijednosti pomoći od strane institucija u skladu sa pozitivnim propisima iz oblasti dodjele državne pomoći,
- e. Zadruge koje su koristile novčanu pozajmicu za otvaranje radnih mjesta putem ovog Ministarstva u skladu sa Zakonom o dopunskim pravima boraca - branitelja Bosne i Hercegovine, nemaju obaveze po članu 80. i 81. ovog Zakona i po Uredbi o finansiranju programa za otvaranje radnih mjesta za branioce, ratne vojne invalide, porodice šehida i porodice poginulih, umrlih i nestalih branioca („Službene novine Kantona Sarajevo“, br. 31/06, 20/09 i 16/14).



## Opći kriteriji za odobravanje sredstava za sufinansiranje boračkih zadruga su eliminatorni.

### Posebni kriteriji za vrednovanje aplikacija i odobravanje sredstava po ovom Javnom pozivu su:

Nakon obavljene ocjene ispunjenosti eliminatornih uvjeta, Stručni tim vrši daljnju ocjenu zahtjeva dostavljenih po raspisanim javnim pozivima ovog Programa, i sačinjava prijedlog liste aplikanata koji ispunjavaju propisane uvjete i prijedlog liste aplikanata koji ne ispunjavaju uvjete propisane Javnim pozivom i Programom.

Ministar donosi konačnu odluku o dodjeli sredstava po javnim pozivima ovog Programa.

U slučaju da se nakon obrađenih svih prijava po pojedinačnim mjerama ovog Programa, utvrdi da je planirani iznos sredstava po pojedinačnim mjerama veći od iznosa sredstava utvrđenog nakon svih obrađenih prijava za tu pojedinačnu mjeru, taj dio sredstava može se preraspodjeliti i odobriti na one pojedinačne mjere Programa za koje planirana sredstva nisu dostatna, tj. dovoljna shodno zaprimljenim zahtjevima. Odluku o preraspodjeli planiranih sredstava u okvirima realizacije ovog Programa mjera, donosi ministar. Ukoliko ovom preraspodjelom sredstava nije moguće obezbijediti iznose sredstava koji su dostatni tj. dovoljni shodno zaprimljenim i obrađenim urednim prijavama za pojedinačne mjere, Ministarstvo će pokušati obezbijediti dodatna sredstva preraspodjelom sa drugih budžetskih pozicija.

Ako se navedenim preraspodjelama sredstava, ne obezbijedi potreban iznos sredstava, podnosioci prijave mogu po pojedinačnim mjerama ostvariti pravo na poticajna sredstva u proceduri ocjenjivanja prijava prema posebnim kriterijima.

#### 1) Vrsta djelatnosti:

- a) Proizvodna i turistička djelatnost ..... 30 bodova
- b) Intelektualna i uslužna djelatnost ..... 20 bodova
- c) Ostalo ..... 10 bodova

#### 2) Trenutni broj zaposlenih radnika u momentu podnošenja zahtjeva:

- a) 1 – 3 ..... 10 bodova
- b) 4 – 7 ..... 15 bodova
- c) 8 i više ..... 20 bodova

#### 3) Vrijednost sredstava za rad koja su predmet refundacije za ovu mjeru su :

- a) do 15.000,00 KM..... 10 bodova
- b) od 15.001,00KM do 25.000,00 KM..... 15 bodova
- c) preko 25.000,00 KM..... 20 bodova

U slučaju da nakon vrijednovanja aplikacija, dva ili više aplikanata imaju jednak broj bodova, prednost ima aplikant koji obavlja proizvodnu ili turističku djelatnost, ako dva ili više aplikanata i dalje imaju isti broj bodova prednost se daje aplikantu sa većim brojem zaposlenih u momentu podnošenja zahtjeva, ako dva ili više aplikanata i dalje imaju isti broj bodova, prednost se daje aplikantu koji je aplicirao za refundiranje sredstava za rad veće vrijednosti, ako dva ili više aplikanata i dalje imaju isti broj bodova prednost se daje aplikantu koji je prije podnio aplikaciju za učešće u ovoj mjeri.

Vrijednovanje aplikacija se vrši na osnovu priložene dokumentacije. Vrijednovanje vrši Stručni tim pri Ministarstvu, koji sačinjava i prijedlog liste aplikanata za učešće u mjeri. Konačnu listu aplikanata utvrđuje Ministar nakon čega se pristupa zaključenju ugovora sa aplikantima čije su aplikacije za učešće u ovoj mjeri prihvaćene.



U slučaju da je zadruga ostvarila novčanu pomoć po istom osnovu koji je predmet ove mjere u tekućoj godini od strane bilo kojeg nivoa vlasti u FBiH, Ministarstvo ne može odobriti iznos sredstava kojim bi sveukupan ostvareni poticaj (poticaj od Ministarstva i drugih institucija) prelazio ukupnu vrijednost za koju se poticaj odobrava.

Sredstva će se doznačiti na pogodan način, što će se preciznije definisati ugovorom zaključenim između Ministarstva i korisnika sredstava.

#### IV- DOKUMENTACIJA

Sve zainteresirane zadruge prilikom apliciranja na Javni poziv dužne su u roku predviđenom u Javnom pozivu, dostaviti **u originalu ili ovjerenoj fotokopiji** slijedeću dokumentaciju:

- a) Adekvatno popunjen i ovjeren aplikacioni obrazac – Zahtjev za refundiranje dijela prihvatljivih troškova kupljenih sredstava za rad u 2025. godini boračkim zadrugama sa području Kantona Sarajevo (obrazac se može preuzeti na web stranici Ministarstva za boračka pitanja. <http://mbp.ks.gov.ba>);
- b) Aktuelni izvod iz sudskog registra izdat u vrijeme trajanja javnog poziva iz kojeg je vidljivo da je zadruga registrirana na području Kantona Sarajevo, (original ili ovjereni fotokopija kod nadležnog organa-notar ili općina);
- c) Uvjerenje o poreskoj registraciji – identifikacijski broj (ID broj), (original ili ovjereni fotokopija kod nadležnog organa-notar ili općina);
- d) Dokaz o zadrugarskom statusu (spisak zadrugara registrovanih u knjigu zadrugara ovjeren od strane nadležnog organa);
- e) Uvjerenje o pripadnosti boračkoj populaciji za zadrugare (original ili fotokopije dokumentacije ovjerene kod nadležnog organa-notar ili općina);
- f) Ugovor ili potvrdu od banke o otvaranju računa sa navedenim transakcijskim/tekućim računom (original ili ovjereni fotokopija kod nadležnog organa-notar ili općina);
- g) Uvjerenje o izmirenim obavezama po osnovu poreza i doprinosa ne starije od 30 dana od dana objave javnog poziva **sa listingom o trenutnom broju zaposlenih** sa datumom zasnivanja radnog odnosa za svakog zaposlenog (Porezna uprava FBiH), (original ili ovjereni fotokopija kod nadležnog organa-notar ili općina);
- h) Uvjerenje o izmirenim obavezama poreza na dodatnu vrijednost ukoliko je podnosilac aplikacije PDV obveznik, (original ili ovjereni fotokopija kod nadležnog organa-notar ili općina), (Uprava za indirektno oporezivanje BiH), ne starije od 30 dana od dana objave javnog poziva, a ukoliko nije PDV obveznik zadruga može dostaviti izjavu (Izjava sačinjena u originalu u periodu trajanja javnog poziva, ovjereni i potpisana od ovlaštene osobe pravnog lica/obrta i ovjereni od nadležnog organa (općina/notar);
- i) Izjava da nisu ostvarili novčanu pozajmicu za otvaranje radnih mjesta putem ovog Ministarstva, u skladu sa Zakonom o dopunskim pravima boraca/branitelja BiH i po Uredbi o finansiranju programa za otvaranje radnih mjesta za branioce, ratne vojne invalide, porodice šehida i porodice poginulih, umrlih i nestalih branioaca („Službene novine Kantona Sarajevo“, br. 31/06, 20/09 i 16/14), (Izjava se preuzima na web stranici Ministarstva);
- j) Izjavu da su zadruge koje su koristile sredstva Federalnog zavoda za zapošljavanje, Službe za zapošljavanje Kantona Sarajevo, Ministarstva za boračka pitanja Kantona Sarajevo i ostalih ministarstava u Vladi Kantona Sarajevo ispoštovale obaveze u skladu sa zaključenim ugovorima (Izjava se preuzima na web stranici Ministarstva);
- k) Izjava zadruge o visini sredstava koja su mu dodjeljena kao pomoć od strane državnih organa (izjava o primljenim de minimis pomoćima i drugim državnim pomoćima), (Izjava se preuzima na web stranici Ministarstva);

- l) Izjava aplikanta da je saglasan da se rezultati javnog poziva objave javno (Izjava se preuzima na web stranici Ministarstva);
- m) Izjava aplikanta o ostvarenoj novčanoj pomoći u prethodne tri godine kao i u tekućoj godini od strane bilo kojeg nivoa vlasti u FBiH, po istom osnovu koji je predmet realizacije ove mjere,
- n) predračune/profakture/ponude, račune, (ovjerene potpisom ovlaštenog lica i pečatom podnosioca prijave), sačinjene od registrovanog poslovnog subjekta za prihvatljive troškove nabavke osnovnih sredstava, opreme, kupovinu mašina, alata i tehnike (osim laptopa i mobilnog telefona) koji nisu stariji od dana objave Obavještenja o Javnom pozivu raspisanom po ovoj mjeri Programa i
- o) druga dokumentacija na zahtjev Stručnog tima.

**Potvrdu o izvršenoj zadružnoj reviziji koju izdaje Federalni zadružni savez (ne starija od 2 godine) osim za novoformirane zadruge, po službenoj dužnosti obezbijedit će ovo Ministarstvo.**

U slučaju da zadruga ima potpisan ugovor sa Poreznom upravom Federacije Bosne i Hercegovine i Upravom za indirektno oporezivanje o uplati duga na rate, zadruga je dužna dostaviti potvrdu Porezne uprave Federacije Bosne i Hercegovine i/ili Uprave za indirektno oporezivanje ili uvjerenje da zadruga vrši uplate po potpisanom ugovoru.

Po izvršenoj obradi svih zahtjeva dostavljenih po javnom pozivu za realizaciju ove mjere Programa, zadruge koje su na listi zaduga koje ispunjavaju uvjete propisane javnim pozivom i Programom, obavezne su po zaključenju ugovora sa Ministarstvom za boračka pitanja Kantona Sarajevo, a prije izvršene uplate sredstava od strane Ministarstva na dostavljeni transakcijski račun zadruge, **dostaviti i slijedeću dokumentaciju:**

1. ugovor (original ili fotokopija ovjerena od nadležnog organa - općina/notar) i/ili jasno vidljivu i čitku fotokopiju računa (ovjerenu od nadležnog organa - općina/notar) uz obaveznu kopiju fiskalnog računa (pri čemu će Ministarstvo tražiti na uvid original fiskalni račun prije doznačavanja sredstava po predmetnom osnovu) i izvod banke (ovjereni potpisom ovlaštenog lica i pečatom subjekta - podnosioca prijave) kojim se dokazuje da je izvršeno plaćanje za predmetnu prihvatljivu namjenu po kojoj je istom podnosiocu prijave odobreno zaključenje ugovora;
2. Relevantna carinska dokumentacija za nabavljena sredstva iz inostranstva;
3. Potvrda da su nabavljena sredstva uknjižena kao sredstva zadruge, ovjerena od strane knjigovodstvene agencije koja vodi knjigovodstvo zadruge);
4. fotodokumentaciju mašina, postrojenja, opreme koja je nabavljena i
5. eventualno drugu dokumentaciju na zahtjev Ministarstva.

**Original ili ovjerene fotokopije dokumentacije ne mogu biti starije od 30 dana od dana apliciranja. Fotokopije dostavljene dokumentacije trebaju biti jasno vidljive i čitke, u suprotnom isti ne mogu biti validni i smatrat će se da dokument nije dostavljen.**

Napomena: Ministarstvo može prihvatiti određena odstupanja između sadržaja dokumentacije iskazane na predračunu/profakturi/ponudi za prihvatljive troškove nabavke sredstva kojim apliciraju po javnom pozivu u odnosu na odgovarajući ekvivalent stavki nabavke iskazan na fakturi/ugovoru koji se dostavljaju nakon zaključenog ugovora između aplikanta/zadruge i Ministarstva a prije doznačavanja sredstava na račun Korisnika sredstava. Odstupanje može biti dozvoljeno u slučaju promjene dobavljača i cijene, s tim da za odobreni predmet sufinansiranja/refundacije ne može se dodijeliti veći iznos sredstava od iznosa sredstava koja su već odobrena i ugovorena odnosnim ugovorom, kao i da nije narušen uslov odobravanja sredstava do 50% dijela prihvatljivih troškova

po predmetnom osnovu. Korisnik sredstava je obavezan da dostavi obrazloženje razloga za navedena odstupanja, a Ministarstvo zadržava pravo da procijeni opravdanost odstupanja.

**Aplikanti koji budu korisnici sredstava ove Mjere Programa, pored ostalih uvjeta dužni su u periodu od najmanje 6 mjeseci u radnom odnosu zadržati postojeći broj radnika koji su imali u momentu podnošenja zahtjeva, osim u opravdanim slučajevima prekida radnog odnosa (odlazaka u penziju postojećih radnika i prekida radnog odnosa iz opravdanih razloga), pri čemu je korisnik sredstava obavezan u što kraćem roku obavijestiti Ministarstvo i dostaviti pismene dokaze o navedenom. U slučaju prekida radnog odnosa iz naprijed navedenih razloga korisnik sredstava je obavezan u što kraćem roku, zaposliti drugu osobu sa evidencije nezaposlenih, za preostali period sufinansiranja ili izvršiti povrat doznačenih sredstava. U navedenom roku od 6 mjeseci (koji počinje teći od dana potpisivanja ugovora između Ministarstva i aplikanta) korisnici sredstava su obavezni Ministarstvu dostavljati izvještaje sa pratećom dokumentacijom o izvršenim isplatama plaća, pratećih obaveza sa pripadajućim porezima i doprinosima i drugim davanjima iz radnog odnosa (topli obrok, prevoz sa posala i na posao).**

**Ukoliko aplikanti koji budu korisnici sredstava ove Mjere Programa, u momentu podnošenja zahtjeva nemaju zaključen ugovor o radu barem sa jednom osobom, isti su u obavezi da zaključe ugovor o radu sa punim radnim vremenom na period od najmanje 6 mjeseci sa najmanje jednom nezaposlenom osobom, pripadnikom braniteljske populacije, prijavljenom na evidenciji nezaposlenih u Kantonu Sarajevo, te da u periodu od najmanje 6 mjeseci ovom Ministarstvu dostavljaju dokaze o isplaćenim plaćama i pripadajućim porezima i doprinosima i drugim davanjima iz radnog odnosa (topli obrok, prevoz sa posla i na posao) po zakonu za zaposlenu osobu/e. U slučaju da je Korisnik sredstava angažovao nezaposlenu osobu koja ispunjava uslove (da je osoba pripadnik braniteljske populacije, da je sa evidencije nezaposlenih sa područja Kantona Sarajevo) nakon apliciranja na javni poziv koji Ministarstvo raspiše po ovom Programu, smatrat će se da je Korisnik sredstava ispunio uvjet novog zapošljavanja i zaključivanja ugovora o radu sa nezaposlenom osobom, s tim da navedeni rok od 6 mjeseci za dostavljanje izvještaja, počinje teći od dana potpisivanja ugovora između Ministarstva i aplikanta.**

**Zadruga koja je korisnik sredstava po ovoj Mjeri Programa, obavezna je u periodu od najmanje 3 godine od dana izvršene kupnje sredstva za koje je ostvarila finansijsku podršku, isto zadržati u vlasništvu zadruga i knjigovodstvenoj evidenciji. O ispunjenju ove kao i ostalih obaveza zadruga je obavezna izvještavati ovo Ministarstvo, shodno ugovorenim obavezama što će biti regulisano u samom Ugovoru.**

**Za izvršenje ugovora aplikanti su obavezni obezbijediti bjanko mjenicu/e ili bezuslovnu bankovnu garanciju na odobreni iznos sredstava u zavisnosti od visine odobrenih sredstava što će biti regulisano u samom Ugovoru.**

Odobrena sredstva, će se na pogodan način doznačiti Korisniku sredstava. Ugovorom zaključenim između Ministarstva i Korisnika sredstava biti će uređena međusobna prava i obaveze ugovornih strana.

**Obzirom na period objave Javnog poziva, te činjenicu da se budžetski prihodi ne ostvaruju planiranom dinamikom, a da je Zakonom o izvršavanju Budžeta Kantona Sarajevo za 2025. godinu („Službene novine Kantona Sarajevo“ broj 13/25) u članu 8. precizirano i da „Budžetski korisnici ne mogu stvarati obaveze iznad iznosa odobrenog operativnog budžeta putem operativnih planova za tog budžetskog korisnika“, ističemo da se odluka o odobravanju može donijeti samo i u skladu sa operativnim sredstvima.**



**Dakle donošenje Odluka o odobravanju sredstava zavisi i od odobrenog operativnog budžeta putem operativnih planova za Ministarstvo, te Ministarstvo zadržava pravo da u slučaju nedovoljnih sredstava prolongira donošenje Odluke o odobravanju, pa i da ne donese Odluku o odobravanju, a o čemu bi bilo objavljeno odgovarajuće obavještenje.**

## **V- PROCES ODABIRA I OBJAVA LISTE**

Obradu zahtjeva po ovom Programu vrši Stručni tim, i isti sačinjava Prijedlog liste aplikanata koji ispunjavaju propisane uvjete i prijedlog liste aplikanata koji ne ispunjavaju uvjete propisane Javnim pozivom i Programom, a liste će biti objavljene na info-punktu Ministarstva za boračka pitanja Kantona Sarajevo (šalter sala Kantona Sarajevo), telefon: 033/562-273 i web stranici Ministarstva [www.mbp.ks.gov.ba](http://www.mbp.ks.gov.ba).

Ministar donosi konačnu odluku o dodjeli sredstava po Javnom pozivu, nakon čega se zaključuju ugovori sa zadrugama kojima se regulišu prava i obaveze ugovornih strana.

## **VI - OSTALE INFORMACIJE**

**Zahtjevi se mogu podnositi od dana objave Javnog poziva, zaključno sa 07.07.2025. godine.**

Zahtjevi koji nisu kompletirani se neće uzeti u razmatranje.

NAPOMENA:

- Obavezno predavati fotokopije dokumenata koje moraju biti ovjerene ili original dokumenta.
- Predata dokumentacija svih aplikanata neće se vraćati podnosiocima zahtjeva.

## **VII - MJESTO PODNOŠENJA ZAHTJEVA**

Za priznavanje i ostvarivanje navedenog oblika prava, zahtjevi na posebno propisanom obrascu sa potrebnom dokumentacijom podnose se na slijedeću adresu: Ministarstvo za boračka pitanja Kantona Sarajevo, ulica Reisa Džemaludina Čauševića br. 1, 71000 Sarajevo putem pošte preporučeno ili putem protokola Kantona Sarajevo sa naznakom "Prijava na Javni poziv za realizaciju Mjere sufinansiranja-refundiranja prihvatljivih troškova kupovine sredstava za rad u 2025. godini".

Informacije vezano za predmet Javnog poziva mogu se dobiti na telefon: dir. 033/562-273 ili Centrala 033/562-000 lokal 2273.

Tekst Javnog poziva, propisani aplikacioni formulari i rang lista biće dostupni na Web stranici Ministarstva [www.mbp.ks.gov.ba](http://www.mbp.ks.gov.ba).

**MINISTAR**

**Dr. sc. Omer Osmanović**